

NAŠA STRANKA  
O.O. BOS. PETROVAC  
UL. BOSANSKA 121  
77250 BOS. PETROVAC  
TEL: 037 882 334  
EMAIL: O.O. BOSANSKI.PETROVAC@NASASTRANKA.BA

## OPĆI PROGRAMSKI CILJEVI NAŠE STRANKE:

- Otvoreno društvo
- Ekonomski rast
- Građanska prava
- Akademske slobode
- Naobrazba
- Radno pravo
- Sindikalna prava
- Prava neuposlenih
- Zabrana diskriminacije
- Borba protiv kriminala, korupcije i terorizma
- Zaštita djece
- Porodijsko odsustvo
- Briga za stare osobe
- Briga za osobe s onesposobljenjem
- Socijalna sigurnost za sve
- Zdravstvena zaštita za sve
- Sigurnost života na selu
- Mir, sigurnost i održivi razvitak
- Lokalna samouprava

## U OVOM BROJU ČITAJETE!!! SADRŽAJ

Riječ uredništva! 1

Budžet 2009 1

Blic vijesti!!!

Rad Opštinskog Vijeća 2

Aktivnosti OONS Bos. Petrovac 2

Vi pitajte, vijećnici neka saznaju!!! 2

Adresa i kontakt 2

# NAŠA STRANKA

## Opštinska Organizacija Bosanski Petrovac

IZDANJE BROJ 4

MART, 2009. GODINE

## Budžet 2009!!!

*Žila kucavica jedne Opštine je Budžet. Stvarni pokazatelj ekonomske situacije je Budžet. Koliko novca uđe, gdje se taj novac troši. Kuda su usmjerena sredstva od komunalnih naknada, te od naknada za gradsko—građevinsko zemljište. Kako se troše sredstva od taksa i poreza koje plaćaju građani, itd. Sve ove informacije su sadržane u Budžetu.*

Na petoj redovnoj sjednici Opštinskog Vijeća jedna od tačaka dnevnog reda je bila prijedlog Budžeta za 2009 godinu. Za razliku od prijedloga Nacrta Budžeta, Prijedlog Budžeta za 2009 godinu je smanjen za 658.880,00 KM. Ova sredstva su umanjena zato što će izostati grantovi sa viših nivoa vlasti (Federalne i Kantonalne) za taj isti iznos. Tako da je Prijedlog Budžeta za 2009 godinu 2.629.810,00 KM. Ova priča bi bila sasvim drugačija da je taj Prijedlog Budžeta usvojen od strane vijećnika, no međutim

činjenica je da su vijećnici odbili ovaj Prijedlog Budžeta u omjeru 9 protiv prijedloga, 5 za! Da bi došli do ovog gore pomenutog momenta, prethodile su tri Javne Rasprave, prijedlozi i sugestije vijećnika, političkih stranaka, pojedinaca, po kojeg građana, sportkih klubova, povjerenika mjesnih zajednica... Činjenica je da za dosta stvari, na žalost, nije bilo prostora u ovom skromnom i realnom budžetu, ali isto tako je činjenica da je nedostajalo malo više razumjevanja prema stvarnoj situaciji u kojoj se nalaze građani i građanke. Činjenica je i da se ti problemi provlače već 15tak godina... Vodila se dugotrajna rasprava po ovoj tački. Pojedini vijećnici su bili čvrstog uvjerenja da je valjano i opravdano vratiti JU Centar za Socijalni Rad i JU Centar za kulturu i obrazovanje na budžet. A Načelnik im je dodjelio subvenciju zbog

zakonitosti njihovog rada i zbog tehničkih razloga. Bit ove priče je da nam većinska predstavnička vlast još jednom pokazuje nerazumjevanje za konačno rješavanje problema u našem gradu, da ih brinu njihovi sitni politički interesi i "podobna kadrovska politika", da ne daju prostora prosperitetu naše zajednice i da se ovakav način rada ne uklapa u njihove "ozbiljne politike".

Ne načelnik neće ukinuti Centar za Socijalni Rad, niti mu je to namjera. Vratit će ga pod okrilje opštinske nadležnosti, te sva ona sredstva namjenjena za održavanje Centra, preusmjeriti na pomoć najugroženijim porodicama u našem gradu. Načelnik je prema svojim ovlastima proglasio Budžet za 2009, 31.03.2009, nakon sitedka roka o privremenom finansiranju!

E. Hidić

## Riječ uredništva!

*U ovom turbulentnom vremenu kada prevladavaju borba za opstanak i za goli život, kada u našem gradu kruže priče o sitnim političkim interesima, kada se bavimo tuđim problemima umjesto sami sobom i kako sebi da obezbjedimo komad kruha u ovim teškim vremenima... prečesto izgovorene riječi postale su nam isprika da upadnemo sve dublje u*

*apatiju i u isčekivanje "nekoga" ko će nam prodati maglu umjesto zasijanih polja... desio se San Remo. Promaršira 8 djece iz Bosanskog Petrovca, rame uz rame sa djecom iz Pariza, Londona, Rima, Moskve i svima im pred nosom "oteše" zasluženu nagradu za Mir u Svijetu, za taj toliko priželjkivani MIR na našim prostorima. Ponosna dječica,*

*vratit će se. Za njih bitno životno iskustvo, za nas lekcija. Za nas, za njihove roditelje, nastavnike i učitelje... Ukoliko se pruži šansa "nečemu", to "nešto" dobije šansu da postane bitno i svakodnevno i normalno. Hvala djeci Osnovne Škole "Ahmet Hromadžić" što su otvorila jedna nova vrata svojoj drugoj djeci Bosanskog Petrovca! Čuvajmo ono što imamo!*


## Blic vijesti!

03.03.2009 održana je Javna Rasprava o Nacrtu Odluke o komunalnim naknadama. Sredstva iz naplate komunalnih

naknada su namjenska i troše se na djelatnosti zajedničke komunalne potrošnje: Čišćenje javnih površina, održavanje javnih površina, održavanje javnih saobraćajnih površina, održavanje i upravljanje objektima i uređajima javne rasvjete, obavljanje kafilerijskih usluga .

17.03.2009 održana je Javna Rasprava o Nacrtu Odluke o naknadama za gradsko—građevinsko zemljište. Sredstva iz naknada za gradsko—građevinsko zemljište su namjenska i troše se na: troškove izrade prostorno—planske dokumentacije.

# RAD OPŠTINSKOG VIJEĆA...



**STALNA  
RUBRIKA**

Od našeg posljednjeg javljanja održane su dvije redovne sjednice Opštinskog Vijeća I dvije vanredne sjednice.

Bitno za napomenuti je da je konačno donesena Odluka o Mjerama sprovođenja Zakona o zabrandi nomadske ispaše na prostoru Opštine Bosanski Petrovac. Mjere koje su donešene su zaista rigorozne I teško se mogu ispuniti uslovi da bi neko od boravio na području naše Opštine.

Načelnika I Opštinsko Vijeće zadužujemo da se striktno drže donešenih mjera a nas građane pozivamo na savjesno gazdovanje svojim vlasništvima I da nam ne bude bitnije "prodati se za jedno jagnje" od zaštite našeg zdravlja I okoline.

Na jednoj od redovnih

sjednica usvojen je I Nacrt Odluke o Komunalnim naknadama I naknadama za gradsko-građevinsko zemljište. Ukoliko se te odluke usvoje evo koliko će nas koštati kvadrat mjesečno:

**VISINA KOMUNALNE NAKNADE KM/m<sup>2</sup>**


Vrsta prostora	1 zona	2 zona	3 zona	4 zona	5 zona	6 zona
Stambeni	0,024	0,018	0,012	0,006	0,000	0,003
Poslovni	0,120	0,090	0,060	0,030	0,024	0,018
Industrijski	0,048	0,048	0,048	0,048	0,030	0,024

**VISINA NAKNADE ZA GRADSKO GRAĐEVINSKO ZEMLJIŠTE KM/m<sup>2</sup>**

Vrsta prostora	1 zona	2 zona	3 zona	4 zona	5 zona	6 zona
Stambeni	0,026	0,022	0,017	0,012	0,000	0,007
Poslovni	0,132	0,108	0,067	0,046	0,033	0,024
Industrijski	0,046	0,036	0,030	0,021	0,017	0,012

Ukoliko pomnožite ovu cijenu po kvadratu sa ukupnom kvadraturom prostora dobijete iznos mjesečne naknade.

Prema Budžetu za 2009 godinu predviđena su sljedeća smanjenja: Bruto plaće uposlenika 22%, izdatci za materijal I uskuge 12%, tekuću grantovi 35 %, kapitalni grantovi 29%, nabavka opreme za 6% I tekuće rezerve za 25 %.



**VI PITAJTE A  
VIJEĆNICI NEKA SE  
POTRUDE DA  
SAZNAJU  
ODGOVOR!!!**

**Poštovani građani  
ova rubrika je  
namjenjena isključivo**

**Vama a direktno je  
vezana za redovnu  
tačku dnevnog reda:**

**"Vijećnička pitanja I  
odgovori"**

**POSTAVITE PITANJE  
VIJEĆNICI ĆE  
TRAŽITI ODGOVOR!**

**Evo nekih pitanja koja brinu Vijećnike I odgovora na njih. Da li na ta pitanja I Vi tražite odgovore? Dostavite Vaša pitanja u našu kancelariju!**

- Službi za finansije, računovodstvo, razvoj I poduzetništvo: Koliko tačno iznosi u bruto povećanje vijećničkih paušala? (30.03.2009)

- ODGOVOR VEĆ JEDNOM DOSTAVLJEN 17.02.2009, protokolisan pod brojem 02/1-3-49-390-3/09:

Osim tabelarnog prikaza koji upoređuje stare I nove iznose u bruto I neto, slijedi:

"Ukupan trošak vijećničkih naknada za jedan mjesec po starom obračunu je iznosio 5.220,00 KM, a po novom obračunu ukupni trošak vijećničkih naknada iznosi 7.024,51 KM, što govori da je procenat povećanja troškova 34,57%."

Analizirajmo to na godišnjem nivou:  
Stari ukupni trošak 5.220,00 KM x 12 mjeseci= 62.640,00 KM

Novi ukupni trošak 7.024,51 KM x 12 mjeseci= 84.294,12

Naknade vijećnicima su se isplaćivale po starom obračunu zaključno sa martom 2009, novi vijećnički paušali se počinju isplaćivati od aprila 2009 godine!

## Aktivnosti OONS Bos. Petrovac

Klub vijećnika Naše Stranke je podnio inicijativu kolegiju Opštinskog Vijeća za kupovinu agregata za naseljeno mjesto Prkosi MZ Vrtoče. Inicijativa je imala namjeru da ponudi privremeno rješenje snadbjevanja električne energije u naseljenom mjestu Prkosi u kojoj bi učestvovali svi vijećnici I gdje bi bili pozvani na donatorsku konferenciju svi privredni subjekti u našem gradu, sa namjerom da se prikupe sredstva za kupovinu agregata. Inicijativa je odbijena, na žalost našu a još veću mješata Prkosa, I još pogotovo imajući u vidu da u ovogodišnjem Budžet nema prostora za rješavanje ovog problema.

Obavještavamo sve članove OO Naša Stranka Bosanski Petrovac da je u fazi pripreme Zbor članstva, koji bi se trebao desiti polovinom aprila.

Sastanci Opštinskog Odbora se dešavaju redovno, pozivamo Vas da se raspitate koji su to termini I da prisustvujete ukoliko želite!

Kancelarija je otvorena svaki radni dan u periodu od 09:00 - 14:00 sati!

**NAŠA STRANKA OO BOS. PETROVAC**

BOSANSKA 121, 77250 BOS. PETROVAC BOSNA I HERCEGOVINA

Web : [www.bosanskiptetrovac.nasastranka.ba](http://www.bosanskiptetrovac.nasastranka.ba)

E-mail : [oo.bosanski.petrovac@nasastranka.ba](mailto:oo.bosanski.petrovac@nasastranka.ba)

**NAŠA STRANKA**

**Načelnikov blog**

<http://erminhajder.blogspot.ba>